

劉夢得外集

終五之十

詩表  
墓誌祭文  
引傳碑

漢書門類	一〇一六五
函	七四
架	四
冊	六

內閣文庫	漢書
一〇一六五	類
六	冊
四	架
三五	函

內閣文庫	番號	漢	10165
	冊數	6	(6)
	函號	315	23



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





劉夢得外集卷第五

雜詩

赴上都贈別

訓送張負外

贈壁州鞭

敬訓徹公見寄

別竇司直

和竇中丞

寄楊八拾遺

旬休早涼

秋日寄懷

文石枕

文宣王廟釋奠

訓元九院長

訓竇負外

郡內書懷

郡齋宴客

訓楊侍郎

淺草文庫

馬大夫惠著述

再訓馬大夫

郴州紀事書情

翫郡齋紫薇花

和馬大夫

山薑花

王侍御贈荅詩

登汧口戍見寄

獻通草茱萸酒

荅楊八絕句

鄂渚留別

荅表臣贈別

寄表臣

懷表臣

重寄表臣

寄唐州楊八

重寄絕句

春日寄楊八

寄助州温右史

新漲驛池

訓楊八副使

訓楊司業

訓崔博士

訓馮舍人宿贈別

荅張侍御賈喜再登科自洛赴上都贈別

又被時人寫姓名春風引路入京城知君憶得

前身事分付鶯花與後生

和武中丞秋日寄懷簡諸僚故

退朝還公府騎吹息繁音吏散秋庭寂鳥啼煙

樹深威生奉白簡道勝外華簪風物清遠目功

名懷寸陰雲衢念前侶綵翰寫冲襟涼菊照幽

援敗荷攢碧潯感江海思報國松筠心空愧時

壽陵步芳塵何處尋

赴連州途經洛陽諸公置酒相送張負外  
賈以詩見贈率爾訓之

謫在三湘最遠州邊鴻不到水南流如今暫寄  
樽前笑明日辭君步之愁

贈元九侍御文石枕以詩獎之

文章似錦氣如虹宜薦華簪綠殿中縱使商飈  
生旦夕猶堪拂拭愈頭風

訓元九侍御贈壁州鞭長句

碧玉孤根生在林美人相贈比雙金初聞郢客

緘封後想見巴山冰雪深多節本懷端直性露  
青猶有歲寒心何時策馬同歸去關樹扶疎敲  
鐙吟

和李六侍御文宣王廟釋奠作

歎息魯先師生逢周室早有心律天道無位救  
陵夷歷聘不能用領徒空爾為儒風正禮樂旅  
象入著龜西狩非其應中都安足施世表由我  
賤泣下為人悲遺教先文德興王叶夢期土田  
封後胤冕服飾虛儀鐘鼓膠庠薦牲牢郡邑祠  
圃君喟然歎偏在上丁時

敬訓徹公見寄

淒涼沃洲僧憔悴柴桑宰別來二十年唯餘兩  
心在  
越江千里鏡越嶺四時雪中自有逍遙人夜深觀  
水月

訓元九院長自江陵見寄

無事尋花至仙境等閒栽樹北封君金門通籍  
真多士黃紙除書每日聞

韓十八侍御見示岳陽樓別竇司直詩因  
令屬和重以自述故足成六十二韻

楚望何蒼然層瀾七百里孤城寄遠目一寫窮  
無已蕩漾浮天蓋回環宜地里積漲在三秋混  
成非一水冬遊見清淺春望多洲止雲錦遶沙  
明風煙青草靡火星忽南見月魄方東迤雪波  
西山來隱若長城起獨專朝宗路駛悍不可止  
支川讓其威蓄縮空南委熊武走壘落熊武三瀟  
溪名瀟  
湘來奧鄙炎蒸動泉源積潦搜山趾歸往無旦  
夕包含通遠邇行當白露時眇視秋光裏曙色  
未昭晰露華遙斐亶浩爾神骨清如觀混元始  
我風忽震盪驚浪迷津埃怒激鼓鏗鉤戲成山

第碗鷓鴣疑變化因象何快詭噓吸寫樓臺騰  
驟露鱗尾景移羣動息波靜繁音頌明月出中  
央青天絕纖滓素光淡無際綠靜平如砥空影  
渡鷓鴻秋聲思蘆葦紋人弄機杼貝闕駢紅紫  
珠蛤吐玲瓏文繇翔旖旎水鄉吳蜀限地勢東  
南厚翼軫繁垂精衡巫屹環峙名雄七澤數國  
辨三苗氏唐羿斷修蛇荆王憚下達青兕秦狩  
跡猶在虞巡路從此軒后奏宮商騷人詠蘭芷  
茅嶺潛相應橘洲傍可指郭璞驗幽經羅含著  
前紀觀津咸里族按道侯家子聯袂登高樓臨

軒笑相視假守亦高卧

實時權領郡事

墨曹正垂耳

韓亦量移

江陵法曹

契闊話涼温壺觴慰遷徙地偏山水秀客

重杯盤侈紅袖花欲然銀燈書相似興酣更抵

掌樂極同啓齒筆鋒不能休藻思一何綺伊余  
負微尚夙昔慙知己出入金馬門交結青雲士  
襲芳踐蘭室學古遊槐市策幕宋前軍文師漢  
中壘陋容昧俯仰孤志無依倚衛足不如葵漏  
川空歎蟻幸逢萬物泰獨處窮途否鍛翻重疊  
傷兢魂再三褫遽環示屢化在丘猶有恥桃源  
訪仙官薜服祠山鬼故人南臺舊一別如逆矢

今朝會荆蠻斗酒相宴喜為余出新什笑拈隨  
伸紙擘若觀五彩歡然臻四美委曲風濤事分  
明窮達旨洪韻發華鍾淒音激清徵羊潛要史  
共和江淹多雜擬徒欲仰高山焉能追逸軌湘  
州路四達巴陵城百雉何必顏光祿留詩張內史  
訓實負外使君寒食日途次松滋渡先寄

示四韻

楚鄉寒食橘花時野渡臨風駐綵旗草色連雲  
人去住水文如縠鸞差池朱輪尚憶羣飛雉青  
綬初縣左顧龜非是涸城魚司馬水曹何事與

新詩時自水部  
郎出牧

和實中丞晚入容江作

漢郡三十六鬱林東南遙人倫選清臣天外頒  
詔條桂水涉秋浪火山凌霧朝分折辨風物入  
境聞謳謠莎岸見長亭煙林隔麗譙日落舟益  
駛川平旗自飄珠浦遠明滅金沙暗動搖一吟  
道中作離思懸層霄

呂八見寄郡內書懷因而戲和

文苑振金聲循良冠百城不知今史氏何處列  
君名

寄楊八拾遺

時出為國子主簿分司東都之什八員外亦轉國子博士同在洛陽

聞君前日獨廷爭漢帝偏知白馬生忽領簿書  
遊太學寧勞侍從厭承明洛陽本自宜才子海  
內而今有直聲為謝同寮老博士范雲來歲即  
公卿

訓竇貞外郡齋宴客偶命柘枝因見寄兼

呈張十一院長元九侍郎負外時兼節度判官佐平蠻之

略張初罷郡元方從事

分憂餘刃又從公白羽胡牀嘯詠中綵筆論戎  
矜倚馬華堂留客看驚鴻渚宮油幕方高步澧

浦甘棠有幾叢若向騷人何處所門臨寒水落

江楓

訓竇貞外旬休早涼見示

時奉書報詰朝有宴

新秋十日澣朱衣鈴閣無聲公吏歸風韻漸高  
梧葉動露光初重槿花稀四時苒苒催容鬢三  
爵油忘是非更報明朝池上酌人知太守字  
玄暉

訓楊侍郎憑見寄二首

翔鸞廟底謝皇恩纓上滄浪舊水痕踈傳揮金  
忽相憶遠聲長句與招魂



十年毛羽催頽。一旦天書召回。看二瓜時欲到。故侯也好歸來。

南海馬大夫見惠著述三通。勒成四秩。上自遂古。達于國朝。采其菁華。至簡而富。欽受嘉貺。詩以謝之。

紅旗閱五兵。絳帳領諸生。味道輕鼎食。退公猶筆耕。青箱傳學遠。金匱納書成。一瞬見前事。九流當抗行。編蒲曾苦思。垂竹媿無名。今日承芳訃。誰言贈袞榮。

南海馬大夫遠示著述兼訓拙詩。輒著微

誠。再有長句。時蔡戎未殄。故見於末篇。漢家旌旆付雄中。百越南溟統外臺。身在絳紗傳六藝。腰懸青綬亞三台。連天浪靜長鯨息。映日帆多寶舶來。南道楚氛猶未滅。終須旌旆掃雲雷。

和楊侍郎初至柳州紀事題郡齋八韻

旌節下朝臺。分圭從北回。城頭鶴立處。驛樹鳳栖來。蘇寂傳云。後化為仙鶴。止城東北隅牆上。又州北栖鳳驛。圖經云。常有成鳳。降于庭梧也。舊路芳塵在。新恩駟騎催。里閭風偃草。鼓舞柝成雷。吏散山禽嘒。庭香夏藥開。郡齋堪四望。壁記有三台。

人訝徵黃晚文非弔屈哀一吟梁甫曲知是卧  
龍才

和郴州楊侍郎詵郡齋紫薇花十四韻  
幾年丹霄上出入金華省暫別萬年枝看花桂  
陽嶺南方足奇樹公府成佳境綠陰交廣除明  
豔透蕭屏雨餘人吏散鶯語簾櫳靜懿此含晚  
芳脩然忘簿領紫茸垂組綬金縷攢鋒穎露溽  
暗傳香風輕徐就影苒弱多意思從容占光景  
得地在侯家移根近仙井開罇好凝睇倚瑟仍  
回頸遊蜂駐彩冠舞鶴迷煙頂興生紅藥後愛

與甘棠並不學天桃姿浮榮在俄頃

和南海馬大夫面楊侍郎出守郴州因有  
寄上之作

忽驚金印駕朱轡遂別鳴珂聽曉猿碧落仙來  
雖暫謫赤臬侯在是深恩玉環慶遠瞻台坐銅  
柱勳高墜海門一詠瓊瑤百憂散何勞更樹北  
堂萱

和鄭相公以考功十弟山薑花俯賜篇詠  
採擷黃薑藥封題青鎖闥供聞調膳日正是退  
朝歸鄉音為織筵發情隨彩翰飛故將天下寶萬

里與光輝

馬大夫見示浙西王侍御贈荅詩因命同

作大夫榮踐舊府又歷文趾桂林南人歌之列在風  
王侍御公易一別歲除寄詞未篇以代札

憶逐年車凡幾時今來舊府統成師象筵照室  
會詞客銅鼓臨軒舞海夷百越酋豪稱故史十  
洲風景助新詩秣陵從事何年別一見瓊章如  
素期

訓馬大夫登涇口戍見寄

新辭金印拂朝纓臨水登山四體輕猶念天涯  
未歸客瘴雲深處守孤城

訓馬大夫以愚獻通草茨葵酒感通拔二  
字因而寄別之作

泥沙難振拔誰復向窮通莫訝提壺贈家傳枕  
麴風成謠獨酌後深意片言中不進終無已應  
須荀令公

荅楊八斝之絕句

楊生時  
亦謫居

飽霜孤竹聲偏切帶火樵桐韻本悲今日知音  
一留聽是君心事不平時

鄂渚留別李二十一表臣大夫

高檣起行色促柱動離聲欲向江深淺應如遠

別情

荅表臣贈別 二首

昔為瑤池侶飛舞集蓬萊今作江漢別風雪一  
徘徊  
嘶馬立未還行舟路將轉江頭暝色深揮袖依  
稀見

始發鄂渚寄表臣 二首

祖帳管絃絕客帆淒風生回車已不見猶聽馬  
嘶聲  
曉發柳林戍遙城聞五鼓憶與故人眠此時猶

晤語

出鄂州界懷表臣 二首

離席一揮杯別愁今尚醉遲遲有情處却恨江  
帆駛  
夢覺疑連榻舟行忽千里不見黃鶴樓寒沙雪  
相似

重寄表臣 二首

對酒臨流奈別何君今已醉我蹉跎分明記取  
星星鬢他日相逢應更多  
世間人事有何窮過後思量盡是空早晚同歸

洛陽陌卜鄰。須近祝雞翁。

寄唐州楊八歸厚

淮安古地擁州師。畫角金鐃旦夕吹。淺草遙迎

鷓鴣馬。春風亂颭辟邪旗。謫仙年月今應滿。賢

諫聲名衆所知。何況遷喬舊同伴。一雙先入鳳

凰池。時徐晦楊嗣復二舍人與唐州同年及第

重寄絕句

淮西既是平安地。鷓鴣路今無羽檄飛。聞道唐州

最清靜。戰場耕盡野花稀。

春日寄楊八唐州二首

淮西春草長。淮水逶迤光。鷺入新村落。人耕舊

戰場。可憐行春守。立馬看斜桑。

漠漠淮上春。芳苗生故壘。梨花方城路。荻筍蕭

陂水。高齋有謫仙。坐嘯清風起。

寄朗州溫右史曹長

暫別瑤瑤駕。鷺行彩旗雙。引到沅湘城邊流水

桃花過。簾外春風杜若香。史筆枉將書紙尾。朝

纓不稱濯滄雲。臺功業家聲在。徵詔何時出浪

建章

和東川王相公新漲驛池八韻

今日池塘上初移造物權  
苞藏成別島  
泓濁致清連  
變化生言下  
蓬瀛落眼前  
泛觴驚翠羽  
閉幕對紅蓮  
遠寫風光入  
明含氣象全  
渚煙籠驛樹  
波日漾賓筵  
曲岸留緹騎  
中流轉彩舩  
無因接元禮  
共載比神仙

訓楊八副使將赴湖南途中見寄一絕

知逐征南冠楚才  
遠勞書信到陽臺  
明朝若上君山上  
一道巴江自此來

訓楊司業巨源見寄

壁雍流水近靈臺  
中有詩篇絕世才  
渤海歸人

將集去  
梨園弟子請詞來  
瓊枝未識魂空斷  
寶匣初臨手自開  
莫道專城管雲雨  
其如心似不然灰

訓國子崔博士立之見寄

健筆高科早絕倫  
後來無不揖芳塵  
遍看今日乘軒客  
多是昔年呈卷人  
胄子執經瞻講坐  
郎官共食接華茵  
煩君遠寄相思曲  
慰問天南一逐臣

訓馮十七舍人宿衛贈別五韻

少年為別日  
隋宮楊柳陰  
白首相逢處  
巴江煙

浪深使星三蜀酒春雨霑衣襟王程促速意夜  
語慙勤心却歸天上去遺我雲間音

劉夢得外集卷第五

*[Faint bleed-through text from the reverse side of the page]*

劉夢得外集卷第六

律詩

遊道林嶽麓寺

和韓元二君子

張籍遠寄長句

訓湖州崔郎中

喜韓吳興同遷

秋日書懷

歎梅雨

酬嚴給事

荅張祕書謝馬

和中書即事

見寄藍橋懷舊

和裴侍中留別

省中四松

豐安里舊居

李相公宴餞

惠班竹杖

楊給事製新樓

春晚即事

牛相公述舊

訓鄭州權舍人

和裴令公夜宴

李侍郎惠藥物

宮城早秋

新墅溪竹

追感辜裴六相

和牛相公感傷

和牛相公寓懷

雨後寓懷

林亭雨後偶成

所寄太湖石

和王尚書

牛相公寓言

南溪醉歌

牛相公同遊

訓大尹裴侍郎

訓太原秋尚書

訓崔大夫

暮秋夕雨喜晴

唐侍御寄遊道林嶽麓二寺詩并沈中丞

姚負外所和見徵繼作

湘西古剎雙躡：羣峯朝拱如駿奔，青松步障

深五里龍宮黯：神為闔高殿呀然壓蒼巘，俯

瞰長江疑欲吞，橘洲泛浮金寶動，水郭繚繞朱

樓，騫語餘百響，入天籟，衆竒引步輕翻：泉清

石布博碁子，蘿密鳥韻如簧言，回廊架險高且

曲，新徑穿林明復昏，淺流忽濁山獸過，古木半

空，天火痕星使雙飛出禁垣，元侯餞之遊石門。



紫翮翼從紅袖舞竹風松雪香溫馨遠持青瑣  
照巫峽一鳥驚斷三聲猿靈山會中身不與吟  
想峭絕愁精魂恨無黃金千萬餅布地買取為  
丘園

遥和韓睦州元相公二君子

玉人紫綬相輝映却要霜髭一兩莖其奈無成  
空老去每臨明鏡若為情

張郎中籍遠寄長句用緘之日已及新秋

因舉目前仰酬高韻

南宮詞客寄新篇清似湘靈促柱絃京邑舊遊

勞夢想歷陽秋色正澄鮮雲銜日脚成山雨風  
駕潮頭入渚田對此獨吟還獨酌知音不見思  
蒼然

訓湖州崔郎中見寄

風箏吟秋空不有指爪聲高人靈府間律呂侔  
咸英昔年與兄遊文似馬長卿今來寄新詩乃  
類陶淵明磨礪老益智吟詠間彌精豈非山水  
鄉蕩漾神機清渚煙蕙蘭動溪雨虹蜺生馮君  
虛上舍待余乘興行

訓揚八庶子喜韓吳興與余同還見贈

依本韻  
次用

早遇聖明朝，鴈行登九霄。吳興與余中外兄弟文輕傳武仲

酒逼盃寬饒，捨矢同瞻鵠。當筵共賽梟。吳興與余同年判入

第琢磨三益，重唱和五音。調臺栢煙常起，池荷

香暗飄。吳興與余同為御史臺外有蓮池也星文辭北極，旗影度東遼。

吳興自度支郎中出為行軍司馬所直道由來言條藉

敢要三湘與百越，雨散又雲搖。遠守慙侯籍，微

還荷詔條。願容唯舌在，別恨幾魂銷。滿眼悲陳

事，逢人少舊僚。煙霞為老伴，蒲柳任先凋。虎綬

懸新印，龍鄉理去橈。斷腸天北郡，攜手洛陽橋。

幢蓋今雖貴，弓旌會見招。其如卓立客，空宇久

寥

秋日書懷寄河南王尹

公府想無事，西池秋水清。去年為狎客，永日奉

高情。況有臺上月，如聞雲外笙。不知桑落酒，今

歲與誰傾。

浙東元相公歎梅雨鬱蒸之候因寄七言

稽山自與岐山別，何事連年鶯鷺飛。百辟商量

舊相入，九天祇候謫仙歸。平湖晚泛窺清鏡，高

閣晨開掃翠微。今日看書最惆悵，為聞梅雨損

朝衣。

嚴給事賀加五品兼簡同制水部李郎中  
九天雨露傳青詔八舍郎官換綠衣初佩銀魚  
隨仗入宜乘白馬退朝歸雕盤賀喜開瑤席彩  
筆題詩出鎖闥聞道水曹偏得意霞朝霧夕有  
光輝

裴相公大學士見示荅張祕書謝馬詩并  
羣公屬和因命追作

草立門戶少塵埃丞相并州寄馬來初自塞垣  
銜苜蓿忽行幽逕破莓苔尋花緩轡威遲去帶  
酒垂鞭躩蹠回不與王侯與詞客知輕富貴重

清才

和司空裴相公中書即事通簡舊僚之作  
談笑在巖廊人人盡所長儀形見山立文字動  
星光日運丹青筆時看赤白囊佇聞戎馬息入  
賀領駕行

微之鎮武昌中路見寄藍橋懷舊之作悽  
然繼和兼寄安平

今日油幢引他年黃紙追同為三楚客獨有九  
霄期宿草恨長在傷禽飛尚遲武昌應已到新  
柳映紅旗

奉和裴侍中將赴漢南留別坐上諸公  
金貂曉出鳳池頭，玉節前臨南雍州。  
暫輟洪鑪觀劍戟，還將大筆注春秋。  
管絃席上留高韻，山水途中入勝遊。  
峴首風煙看未足，便應重拜富人侯。

和兵部鄭侍郎省中四松詩十韻  
松是中書相公任侍

右相歷中臺，移松武庫栽。  
紫茸抽組綬，青實長玫瑰。  
便有千霄勢，看成構厦材。  
數分天柱半，影逐日輪迴。  
舊賞台階去，新知谷口來。  
息陰常仰

望翫境幾徘徊，翠粒晴懸露蒼鱗。  
雨起苔疑音助，瑤瑟飄葉泛金壘。  
月桂花遙燭，星榆半對開。  
終須似雞樹榮茂，近昭回。

和蘇郎中尋豐安里舊居寄王客張郎中  
漳濱卧起恣閒遊，宣室徵還未白頭。  
舊隱來尋通德里，新篇寫出畔牢愁。  
池看科斗成文字，鳥聽提壺憶獻酬。  
同學同年又同舍，許君雲路竝華輶。

將赴蘇州途出洛陽留守李相公申宴餞  
寵行話舊形於篇章，謹矜下情以申仰謝。

歲杪風物動雪餘宮苑晴兔園賓客至金谷管  
絃聲洛水故人別吳宮新燕迎越郎憂不淺懷  
袖有瓊英

吳興敬郎中見惠班竹杖兼示一絕聊以  
謝之

一莖炯炯琅玕色數節重重瑤瑁文柱到高山  
未登處青雲路上願逢君

和浙西王尚書聞常州楊給事製新樓因  
寄之作

文昌星象盡東來油幕朱門次第開且上新樓

看風月會無雲雨一時回

尚書在南昌宮為左丞給  
事與禹錫皆是郎吏

訓浙東李侍郎越州春晚即事長句

越中藹藹繁華地秦望峯前禹穴西湖草初生  
邊鴈去山花半謝杜鵑啼青油畫卷臨高閣紅  
旆暗翻繞古堤明日漢庭徵舊德老人爭出若  
邪溪後漢劉寵為會稽大治及徵還山陰縣有五六老叟自若  
邪山谷間出人費百錢以送寵勞之答曰自明府下車民  
不見吏年老遇值聖明故奉  
送寵為人選一大錢受之也

訓淮南牛相公述舊見貽

少年曾忝漢庭臣晚歲空餘老病身初見相如  
成賦日尋為丞相掃門人追思往事咨嗟久喜

奉清光笑語頻，猶有登朝舊冠冕。待公三入拂埃塵。

訓鄭州權舍人見寄十二韻

朱戶凌晨啓碧梧，含早涼人從滎澤至書到漆沮。傍扞會因佳句情深取，斷章愜心同笑語入耳。勝笙篁憶昔三條路，居鄰數仞墻。舍人舊宅光福時忝東鄰學堂青玉案，彩服紫羅囊。麟角看成就，龍駒見柳楊。鼓中飛一箭，雲際落雙鷄。舍人一舉登科又判入等第旬邑叨前列，天臺媿後行。鄆人離渭南主簿十年舍人方尉此邑及罹譴謫重入南宮為禮部郎中舍人方在考功負外鯉庭傳事業，雞樹遂翱翔。書殿連鳴

鵲神池接鳳凰，追遊蒙尚齒。惠好結中腸。鄆人在集賢與

西掖接近鍛翻方擢舉，危根易損傷。一麾憐弃置，日夕追遊

五字借恩光。鄆人出牧始蘇舍人草制汝海崆峒秀，漆流芍藥

芳。風能行偃草，境靜不爭桑。鄆人轉臨汝收滎陽轉旆

趨關右，頌條匝渭陽。病吟猶有思，老醉已無狂。

塵滿鴻溝道，沙驚白狄鄉。竚聞黃紙詔，促召紫

微郎。

奉和裴令公夜宴

天下蒼生望不休，東山雖有但時遊。從來海上

病卧李侍郎見惠藥物，謹以文星之句。

隱几支頤對落暉故人書信到柴扉周南留滯  
商山老星象如今屬少微

訓留守牛相公宮城早秋寓言見寄

曉月映宮樹秋光起天津涼風稍動葉宿露未  
生塵景氣尚芳麗曠望感心神揮毫成逸韻閑  
閤遲來賓擺去將相印漸為逍遙身如招後房  
宴却要白頭人

牛相公留守見示城外新墅有溪竹秋月

親情多往宿遊恨不得去因成四韻兼簡  
洛中親故之什兼命同作

別墅洛城外月明村墅通光輝滿地上絲管發  
舟中堤豔菊花露島涼松葉風高情限清禁寒  
漏滴深宮

和僕射牛相公追感韋裴元相登庸皆四  
十餘未五十薨歿豈早榮早枯之義今年  
將六十猶粗強健因親故勸酒率然成篇  
并見寄之作

坐鎮清朝獨矜然向徵故事數前賢用才同踐  
鈞衡地稟氣終分大小年威鳳本池思泛泳仙  
查舊路望回旋猶憐綺季深山裏唯有松風與

石田

和僕射牛相公以雛闕庭七年班行親故  
亡歿十無一人再覩龍顏喜慶雖極感歎  
風燭能不愴然因成四韻并示集賢中書  
二相公所和  
久辭龍闕擁紅旗喜見天顏拜赤墀三省英寮  
非舊侶萬年芳樹長新枝交朋接武居仙院幕  
客追風入鳳池雲母屏風即施設可憐榮耀冠  
當時

和僕射牛相公見示長句

靜得天和興自濃不緣官達性靈慵  
大鵬六月有間意仙鶴千年無躁容  
流輩盡來多歎息官班高後少過從  
唯應加築露臺上賸見終南雲  
外峯

和牛相公夏末雨後寓懷見示

金火交爭正抑揚蕭蕭飛雨助清商  
曉看紈扇恩情薄夜覺紗燈刻數長  
樹上早蟬纔發鄉音庭中百草已無光  
當年富貴亦惆悵何況悲翁髮似霜

牛相公林亭雨後偶成



飛雨過池閣浮光生草樹新竹開粉奩初蓮蕒  
香炷野花無時節水鳥自來去若向知境人  
間第一處

牛相公題姑蘇所寄太湖石兼寄李蘇州  
震澤生竒石沈潛得地靈初辭水府出猶帶龍  
宮腥發自江湖國來榮卿相庭從風夏雲勢上  
漢古查形拂拭魚鱗見鏗鏘玉韻聆煙波含宿  
潤苔蘚助新青嵌穴胡鷓鴣貌織鋳蟲篆銘孱顏  
傲林薄飛動向雷霆煩熱近還散餘醒見便醒  
凡禽不敢息浮塏莫能停靜稱垂松蓋鮮宜映

鶴翎忘憂常目繫素尚與心冥眇小欺湘鷺團  
圓笑落星徒然想鞮結安可測年齡採取詢鄉  
壘搜求按舊經垂鈎入空隙隔浪動晶熒有獲  
人爭賀歡謠衆共聽一州驚閱寶千里遠揚舲  
覩物洛陽陌懷人吳御亭寄言垂天翼早晚起  
滄溟

和陳許王尚書酬白少傅侍郎長句因通  
簡汝洛舊遊之什

寥廓高翔不可追風雲失路暫相隨方同洛下  
書生詠又建軍前大將旗雪裏命賓開玉帳飲

中請號駐金卮。竹林一自王戎去。嵇阮雖貧興未衰。

和僕射牛相公寓言 二首

兩度竿頭立定誇。回眸舉袖拂青霞。盡拋今日貴人樣。復振前朝名相家。御史近來休直宿。尚書依舊趁參衙。具瞻尊重誠無敵。猶憶洛陽千樹花。

心如止水鑒常明。見盡人間萬物情。鷗鷺騰空猶逞俊。驂騮齒足自無驚。時來未覓權為崇。貴了方知退是榮。只恐重重世緣在。事須三度副

蒼生

和牛相公南溪醉歌見寄

脫屣將相守。冲謙惟於山水獨。不廉枕伊背洛。得勝地。鳴臯少室來。軒簷相擊。形面勢然。指畫言下。變化隨顧瞻。清池曲榭。人所致。野趣幽芳。天與添。有時轉入潭島間。珍木如幄。藤為簾。忽然便有江湖思。沙礫平淺。草纖。怪石釣出太湖底。珠樹移自天台尖。崇蘭迎風綠。泛豔。堦蓮含露紅。襟襟脩廊架空遠。岫入弱柳覆檻。流波霑渚。蒲抽英。劍脊動。岸荻逆筍。錐頭。鉗攜觴命。

侶極永日。此會雖數。心無歇。人皆置。莊身不到。  
富貴難與道。遙兼唯公出。處得自在。決就放曠。  
辭炎。坐賓盡歡。恣談謔。媿我掉頭還。奮髯能  
令商於多病客。亦覺自適非沈潛。

天與訓僕射牛相公晉國池上別後至甘棠館

已嗟池上別。魂驚忽報夢中攜手行。此夜獨歸  
還乞夢老人無睡到天明。

裴侍郎大尹雪中遺酒一壺兼示喜眼疾  
初平一絕有間行把酒之句斐然仰訓

卷盡輕雲月更明。金篦不用且間行。若傾家釀  
招來客何必池塘春草生。

訓太原狄尚書見寄

家聲烜赫冠前賢。時望穹崇鎮北邊。身上官銜  
如坐主幕中談笑取同年。幽并俠少趨鞭弭。燕  
趙佳人奉管絃。仍把天兵書號筆。遠題長句寄  
山川。

訓宣州崔大夫見寄

白衣曾拜漢尚書。今日恩光到弊廬。再入龍樓  
稱綺季。應緣狗監說相如。中郎南鎮權方重。內

史高齋興有餘，遙想敬亭春。欲暮百花飛，盡柳花初。

訓皇甫十少尹暮秋久雨喜晴有懷見示  
雨餘獨坐卷簾帷，便得詩人喜霽詩。搖落從來長年感，慘舒偏是病身知。掃開雲霧呈光景，流盡潢汙見路歧。何況菊香新酒熟，神州司馬好狂時。

劉夢得外集卷第六

送長一校了

劉夢得外集卷第七

律詩

霜夜對月

述夢

喜徑松成陰

伊川卜居

憶江南楔事

秋日見寄

吐綬鳥詞

和遊房太尉西湖

和重題

聞琴絕句

和李尚書示詩

傷韋令孔雀

訓喜歸鄉國

喜見初月

和望山居即事

和平泉新墅

柳柳州贈家雞

答前篇

答後篇

訓柳柳州贈別

重別

三贈

題淳于髡墓

懷妓

登清輝樓

省試風光草際浮

喜再遇毛仙翁

和浙西李大夫霜夜對月聽小童吹觱篥

歌依本韻

海門雙青暮煙歇萬頃金波踴明月侯家小兒  
能觱篥對此清光天性發長江凝練樹無風掣

慄一聲霄漢中涵胡畫角怨邊草蕭瑟清蟬吟  
野叢冲融頓挫心使指雄吼如風轉如水思婦  
多情珠淚垂仙禽欲舞雙翅起郡人寂聽衣滿  
霜江城月斜樓影長纔驚指下繁韻息已見樹  
杪明星光謝公高齋吟激楚戀闕心同在羈旅  
一奏荆人白雪歌如聞雒客扶風鄔吳門水驛  
接山陰文字慇懃寄意深欲識陽陶能絕處少  
年榮貴道傷心

浙西李大夫述夢四十韻并浙東元相公

訓和斐然繼聲

位是才能取時因際會遭羽儀呈鸞鷲銑又試  
豪曹浴下推年少山東許地高門承金鉉鼎家  
有玉璜韜呂侯仍海浪扶鵬翅天風引驥髦便知  
蓬閣悶不識曾衣襃興發春塘草魂交益部刀  
形開猶抱膝燭盡遠揮毫昔仕當初筮逢時詠  
載橐懷鉛辨蟲蠹染素學鵝毛車騎方休汝歸  
來欲效陶大夫罷太原南臺資謬諤內署選風  
騷羽化如乘鯉樓居舊冠鰲美香焚濕麝名菓  
賜乾荀議赦蠅搏筆邀歌蟻泛醪代言無所戲  
謝表自稱叨蘭焰凝芳澤芝泥瑩玉膏對頻聲

價出直父夢魂芳草詔令歸馬封章合獻藜幽冀  
歸闕西戎乞盟銀花懸院榜翠羽映廉條諷諫  
事並具注前欣然納奇觚率爾探禁中時諤諤天下免怵怵  
左顧龜成印雙飛鵠織袍謝賓緣地密紫已足  
心豪五日思歸沐三春羨衆遨茶爐依綠筍棊  
局就紅桃溟海桑潛變陰陽炭暗熬仙成脫屣  
去臣戀捧弓號建節舞鳥栢宣風看鷺濤土山  
京口峻鐵瓮郡城牢舊說潤州城如鐵瓮曲島  
花千樹官池水一篙鸞來和絲管鴈起拂麾旄  
宛轉傾羅扇回旋墮玉搔罰籌長豎燾觥盞樣

如舸山是千里障江為四面濠卧龍曾得雨浙東

孤鶴尚鳴皋浙西劍用雄開匣二公弓間蟄受矧自謂

鳳姿嘗在竹二公鷲羽不離蒿謂吳越分雙鎮東

西接萬艘今朝比潘陸江海更滔滔

和浙西李大<sub>夫</sub>晚下北固山喜徑松成陰

悵然懷古偶題臨江亭并浙東元相公所

和依本韻

一舜温室樹幾見武昌柳荀謝年何少聿平望

已久種松夾石道紆組臨沙阜目覽帝王州心

存股肱守葉動驚絲翰波澄見頽首晉宋齊梁

都午山萬江口煙散隋宮出濤來海門吼風俗

木伯餘衣冠永嘉後江長天作限山固壞無朽

自古稱佳麗非賢誰奄有八元邦族盛萬石門

風厚天桂揭東溟文星照北斗高亭一騁望舉

酒共為壽因賦詠懷詩遠寄同心友禁中晨夜

直在左東西偶筆手握兵符儒腰盤貴綬頌條

風有自立事言無苟農野聞讓耕軍人不使酒

用材當構厦知道寧窺牖誰為青雲高鵬飛終

皆負昔和浙西李大<sub>夫</sub>伊川卜居天

早入八元數。掌承三接恩。飛鳴天上路。鎮壓海  
西門。清望寰中許。高情物外存。時來誠不讓。歸  
去每形言。浴下思招隱。江干厭作藩。按經脩道  
具。依樣買山村。馬高堂為御史大夫。將置宅。命  
畫工圖其狀。戒所使曰。依此樣  
來。開鑿隨人化。幽陰為律暄。遠移難得樹。立變  
舊荒園。絕塞通潛逕。平泉占上源。煙霞遙在想。  
簿領益為繁。丹禁虛東閣。蒼生望北轅。徒令雙  
白鶴。五里自翩翩。和滑州李尚書上巳憶江南禊事  
白馬津。願春日遲。沙州歸鴈拂旌旗。柳營唯有

軍中戲不似江南三月時

訓滑州李尚書秋日見寄

一入石渠署。三聞宮樹蟬。丹青未得路。白髮又  
添年。雙節外臺貴。洞簫中禁傳。徵黃在旦夕。早  
晚發南燕。

吐綬鳥詞并序

滑州牧尚書李公以吐綬鳥詞見示。兼命繼聲。  
蓋尚書前為御史時所作。有翰林二學士同賦  
之。今所謂追和也。鳥之所異。具于首篇。  
越山有鳥翔。廖廓嗙中天。綬光若若。越人偶見



而奇之。因名吐綬江南知。四明天姥神仙地。朱  
鳥星精鍾異氣。赤玉雕成彪炳毛。紅綃剪出玲  
瓏翅。湖煙始開山日高。迎風吐綬盤花條。臨波  
似染瑯瑯草。映葉疑開阿母桃。花紅草綠人間  
事。未若靈禽自然貴。鶴吐明珠暫報恩。鵲銜金  
印空為瑞。春和秋霽野花開。翫景尋芳處處來。  
翠幕雕籠非所慕。珠丸柘彈莫相猜。博月啼煙  
凌縹緲。高林先見金霞曉。三山仙路寄遙情。刷  
羽揚翹欲上征。不學碧雞依井絡。願隨青鳥向  
層城。太液池中有黃鵠。怜君長在瑤枝。一作長  
向瑤枝

宿如何。一借羊角風來聽。簫韶九成曲。言之十

宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十  
宿如何。一借羊角風來聽。簫韶九成曲。言之十

和重題

林端落照盡。湖上遠風清。水謝芝蘭室。仙舟魚  
鳥情人琴。夕寂寞。煙月若平生。一泛釣璜處。再  
吟鏘玉聲。

和遊房公舊竹亭聞琴絕句

尚有竹間路，永無綦下塵。一聞流水曲，重憶食霞人。

西川李尚書知愚與元武昌有舊遠示二

篇吟之泣然因以繼和二首來詩云元公

將以為寄而武昌之計聞因陳生會葬

如何贈琴日，已是絕絃時。無復雙金報，空餘掛

劍悲。

寶匣從此間，朱絃誰復調。祇應隨玉樹，同向土

中銷。

和西川李尚書傷韋令孔雀及薛濤之什

玉兒已逐金環葬，翠羽先隨秋草萎。唯見芙蓉

含曉露，數行紅泪滴清池。後魏元樹南陽王禧

年後比歸愛姬朱玉兒脫金指鐲為贈

訓李相公歸鄉國自鞏縣夜泛洛水見寄

鞏樹煙月上，清光含碧流。且無三巴色，猶泛五

湖舟。鵬息風還起，鳳歸林正秋。雖攀小山桂，此

地不淹留。

和李相公平泉潭上喜見初月

家山見初月，林壑悄無塵。幽境此何夕，清光如

為人。潭空破鏡入，風動翠娥顰。會向瑣牕望，追

思伊洛濱

和李相公初歸平泉過龍門南嶺遙望山

居即事

暫別明庭去初隨優詔還曾為鵬鳥賦喜過鑿  
龍山新墅煙火起野程泉石間巖廊人望在只  
得片時間

和李相公以平泉新墅獲方外之名因為

詩以報洛中士君子兼見寄之什

業繼韋平後家依崑閬間恩華舜北第蕭灑愛  
東山滿屋圖書在入門松菊間垂天雖暫息一

舉出入寰

訓柳柳州家雞之贈

日臨池弄小雛還思寫論付官奴柳家新樣  
元和脚且盡薑牙斂手徒

荅前篇

小兒弄筆不能噴浣壁書牕且賞勤聞彼夢熊  
猶未兆女中誰是衛夫人  
荅後篇

昔日慵工記姓名遠勞辛苦寫西京近來漸有  
臨池興為報元常欲抗行

再投連州至衡陽訓柳柳州贈別

去國十年同赴召，渡湘千里又分歧。重臨事異  
黃丞相，三黜名慙柳士師。歸目併隨回鴈盡，愁  
腸正遇斷猿時。桂江東過連山下，相望長吟有  
所思。

重別

二十年來萬事同，今朝歧路忽西東。皇恩若許  
歸田去，歲晚當為鄰舍翁。

三贈

信書誠自誤，經事漸知非。今日臨湘別，何年得

汝歸

題淳于髡墓

生為齊贅壻，死作楚先賢。應以客鄉葬，故臨官  
道邊。寓言本多興，放意能合權。我有一石酒，置  
君墳樹前。

懷妓四首

玉釵重合兩無緣，魚在深潭鶴在天。得意紫鸞  
休舞鏡，能言青鳥罷銜牋。金盆已覆難收水，玉  
軫長拋不續絃。若向蘼蕪山下過，遙將紅泪洒  
窮泉。

鸞飛遠樹栖何處鳳得新巢已去心紅壁尚留  
香漠漠碧雲初斷信沈沈情知點污投泥玉猶  
自經營買笑金從此山頭似人石丈夫形狀淚  
痕深  
人曾行處遍尋看雖是生離死一般買笑樹邊  
花已老畫眉惣下月猶殘雲藏巫峽音容斷路  
隔星橋過往難莫怪詩成無淚滴盡傾東海也  
須乾  
三山不見海沈沈豈有仙蹤更可尋青鳥去時  
雲路斷姮娥歸處月宮深紗牕遙想春相憶書

愧誰憐夜獨吟料得夜來天上鏡只應偏照兩  
人心

登清輝樓

逸前四句  
在江州

潯陽江色潮添滿彭蠡秋聲鴈送來南望廬山  
千萬仞共誇新出棟梁材

省試風光草際浮

熙熙春景霽草綠春光麗的皪亂相鮮歲甦互  
虧蔽乍疑芊綿裏稍動芊芊際影碎翻崇蘭浮  
香轉叢蕙含煙絢碧絲帶露如珠綴幸因椽掇  
日況此臨芳歲

赴和州於武昌縣再遇毛仙翁十八兄因  
香華成一絕

武昌山下蜀江東重向仙舟見葛洪  
又得案前親禮拜大羅天訣玉函封

劉夢得外集卷第七

劉夢得外集卷第七  
律詩  
巫山神女廟  
陪崔大尚書  
登望梅樓  
送處州奚使君  
渡揚子津  
姑蘇臺  
寄韓中丞  
不遇  
揚柳枝

劉夢得外集卷第八

律詩

寄楊給事

巫山神女廟

柳絮

陪崔大尚書

曹剛

登望梅樓

別蘇州公

送處州奚使君

題報恩寺

渡揚子津

館娃宮

姑蘇臺

贈陳長史

寄韓中丞

有感

揚柳枝

海陽十詠

送曹璩歸越中

送周魯儒赴舉  
尋汪道士不遇

桃源翫月

遊建康

田頌郎歌

米嘉榮

卽江陵公流

別夔州官吏

夜聞舡中箏

聞道士彈思歸引

喜康將軍見訪

贈劉景擢第

次德宗山陵

嘗茶

梁國祠

九日登高

謝柳子厚硯

元日感懷

謝崔相公賜馬  
南中書來

題招隱寺  
寄山中友人

望洞庭  
魚復江中

歷陽書事

寄毗陵楊給事  
三首

揮毫起制來東省  
踪足修名謁外臺  
好著麤韃

莫惆悵  
出文入武是全才

曾主魚書輕刺史  
今朝自請左魚來  
青雲直上

無多地  
却要斜飛取勢迴

東城南陌昔同遊  
坐上無人第二流  
屈指如今

已零落且須歡喜作鄰州

巫山神女廟

巫山十峯鬱蒼蒼片石亭亭号女郎曉霧乍開

疑卷幔山花欲謝似殘妝星河好夜聞清佩雲

雨歸時帶異香何事神仙九天上人間來就楚

襄王

柳絮

飄颻南陌起東鄰漠漠濛濛暗度春花巷暖隨

輕舞蝶玉樓晴拂豔妝人榮回謝女題詩筆點

綴陶公漉酒巾何處好風偏似雪隋河堤上古

江津

陪崔大尚書及諸閣老宴杏園

更將何面上春臺百事無成老又催惟有落花

無俗態不慊憔悴滿頭來

曹剛

大絃嘈囋小絃清噴雪含風意思生一聽曹剛

彈薄媚人生不合出京城

發蘇州後登武丘寺望梅樓

獨宿望梅樓夜深珍木冷僧房已閉戶山月方

出嶺碧池涵劍彩寶刹搖星影却憶郡齋中虛



眠此時景  
三載為吳郡臨歧祖帳開雖非謝桀黠且為一  
徘徊  
流水閭門外秋風吹柳條從來送客處今日自  
魂銷

松江送趙州奚使君

吳越古今路滄波朝夕流從來別離地能使管  
絃愁江草帶煙暮海雲含雨秋知君五陵客不  
樂石門遊

題報恩寺

雲外支硎寺名聲敵虎丘石文留馬跡峯勢聳  
牛頭泉眼潛通海松門預帶秋遲回好風景王  
謝昔曾游

罷郡姑蘇北歸渡楊子津

幾歲悲南國今朝賦北征歸心渡江勇病體得  
秋輕海闊石門小城高粉堞明金山舊遊寺過  
岸聽鐘聲

館娃宮在郡西南硯石山上前墩姑蘇臺  
傍有採香徑梁天監中置佛寺曰靈巖即

眼此故宮也信為絕境因賦二章

姑蘇臺

宮館貯嬌娃當時意大誇豔傾吳國盡笑入楚  
王家月殿移椒壁天花代薜華唯餘採香徑一  
帶繞山斜

姑蘇臺

故國荒臺在前臨震澤波綺羅隨世盡麋鹿古  
時多築用金鋸力摧因石鼠窠昔年雕輦路唯  
有採樵歌

贈同年陳長史負外

明州長史外臺郎憶昔同年翰墨場一自分襟  
多歲月相逢滿眼是淒涼推賢有愧韓安國論  
舊唯存盛孝章所歎謬遊東閣下看君無計出  
恹惶

寄湖州韓中丞

老郎日日憂蒼鬢遠守年年歇白蘋終日相思  
不相見長頭相見是何人

有感

死且不自覺其餘安可論昨宵鳳池客今日雀  
羅門騎吏塵未息銘旌風已翻平生紅粉愛惟

解矣黃昏

楊柳枝

楊子江頭煙景迷，隋家宮樹拂金堤。峩峩猶有當時色，半蘸波中水鳥棲。

海陽十詠

并引

元次山始作海陽湖，後之人或立亭榭，率無指名及余而大備。每疏鑿構置，必搦稱以標之人。咸曰有旨，異日遷客裴侍御為十詠以示余，頗明麗而不虛美。因摺拾裴詩所未道者，從而和之。一云余為吏隱亭，述言海陽之所從來，詳矣。異日下與此同。

吏隱亭

結構得奇勢，朱門交碧潯。外來始一望，寫盡平生心。日軒漾波影，月砌鏤松陰。幾度欲歸去，回眸情更深。

切雲亭

迥破林煙出，俯窺石潭空。波搖杏梁日，松韻碧惣風。隔水生別島，帶橋如斷虹。九疑南面事，盡入寸眸中。

雲英潭

芳幄覆雲屏，石奩開碧鏡。支流日飛洒，深處自

疑瑩潛去不見迹清音常滿聽有時病朝醒來  
此心神醒

玄覽亭

蕭洒青林際寅緣碧潭隈涼流冒石下輕波觸  
砌回香風逼人度幽花覆水開故令無四壁晴  
夜月光來

裴溪

特御史已  
過新恩

楚客憶關中疏溪想汾水縈行非一曲意態如  
千里倒影羅文動微波笑顏起君今賜環歸何  
人承玉趾

飛練瀑

晶晶擲巖端潔光如可把瓊枝曲不折雪片晴  
猶下石堅激清響葉動承餘洒前時明月中見  
是銀河瀉

蒙池

滢渟幽壁下深淨如無力風起不成文月來同  
一色地靈草木瘦人遠煙霞逼往疑列仙圍  
碁在巖側

勢絲瀑

飛流透嵌隙噴洒如絲勢含暈迎初旭翻光破

夕曛餘波遠石去碎響隔溪聞却望瓊沙際透  
迤見脉分

雙溪

流水遠雙島碧溪相竝深浮花擁曲處遠影落  
中心間鷺又獨立曝龜驚復沈蘋風有時起滿  
谷簫韶音

長流月窟

濺濺漱幽石注入團圓處有如常滿杯承彼清  
夜露巖曲月斜照林寒春晚煦遊人不敢觸恐  
有蛟龍護

送周魯儒赴舉并引

晝居外次晨門曰有九疑生持一刺來謁立西  
階以須生危冠方袂淺拱舒拜且前致辭稱贊  
其文頗涉獵前言居五六日復袖來益引古事  
以相廟切與之言能言其得姓因家之所自暨  
縣道鄉亭之風俗望山名水之槩狀羅舍所未  
記朱贛之未條咸得之於生由是始列於賓籍  
臨觴而司斟觀博而竄言有日矣初邑中人聞  
有生來而二千石客之駢然來觀遷客裴御史  
遇生於坐抵掌曰人固有貌類而族殊者周生

疑羅玠也。衆咸韞然而熟視，生疑也。愈甚。夫形似古所有也。優孟似藹敖，而楚君欲以爲相。人殊而貌肖，猶或欲用之。玠生於衡山，而生生於九疑，其似誠匹也。無乃躡其武弁，俊造仕旬服，佐君藩爲御史乎？古文人無避事，卽有而書之，尚實也。行李之貺，則徵夫詩曰：「日暮之西，日當日營陽。」內史孫因家占得九疑村，童心便有愛書癖，手指今餘把筆痕。自握虵珠，舜白屋欲憑雞卜，謁金門。若逢廣坐問羊酪，從此知名在一言。

送曹璩歸越中舊隱

余爲連州諸生，以進士書刺者，浩不可紀。獨曹生崖然自稱爲山夫，及與語，以徵其實，則日所嗜者名嘗遠遊，以索之，抗喉舌，脰足拇，以干東諸侯。見之日，率莞然曰：「秀才者，天下是不禮庸何傷？今方依名山，以揚其聲，將掛憤於南嶽，生之言未及休。」余遽曰：「在已不在山。」若子之言，依山而易高，是練神叩寂，指日月而不顧名聞，而老至持是，焉用乎？生聞言，愀然如悔色，見於眉睫，因留止。道士院從余來書，以觀居三時而功。

倍一歲讀史書自黃帝至吳魏間班班能言之  
然而絕口不敢言衡山知山夫不販而贏也十  
一月告余歸隱於會稽且曰知求名之自矣乞  
詞以發之遂賦七言詩以鑒其志詩曰  
行盡瀟湘萬里餘少逢知己憶吾廬數間茅屋  
間臨水一盞秋燈夜讀書地遠何當隨計吏策  
成終自詣公車刻中若問連州事惟有千山畫  
不如

尋汪道士不遇

仙子東南秀冷然善馭風笙歌五雲裏天地一

壺中受籙金華洞焚香玉帝宮我來君閉戶應  
是向崆峒

八月十五日夜桃源翫月

塵中見月心亦問況是清秋仙府間凝光悠悠  
寒露墜此時立在最高山碧虛無雲風不起山  
上長松山下水羣動翛然一境中天高地平千  
萬里少君引我昇玉壇禮空遙請真仙官雲駢  
欲下星斗動天樂一聲肌骨寒金霞昕昕漸東  
上輪歌影促猶頻望絕景良時難再并他年此  
夕應惆悵

叔父元和中及昔事為桃源行後貶官武陵復為翫月作並題於觀壁爾來星紀再周既牽復此郡仰見文字闕缺伏慮他年轉將塵沒故鑿在貞石以期不朽大和四年既謹記  
罷和州遊建康  
秋水清無力寒山暮多思官間不計程偏上南朝寺

甲頌郎歌

清歌不是世間音玉殿嘗聞稱主心唯有頌郎

全學得一聲飛出九重深

米嘉榮

一別嘉榮三十載忽聞舊曲尚依然如今世俗輕前輩好染髭鬚事少年

自江陵沿流道中

三千三百西江水自古如今要路津月夜歌謠有魚父風天氣色屬商人沙村好處多逢寺山葉紅時覺勝春行到南朝征戰地古來名將盡為神

別夔州官吏



三年楚國巴城守一去揚州楊子津青帳聯延  
喧驛步白頭俯偻到江濱巫山暮色常含雨峽  
水秋來不恐人唯有九歌詞數首里中留與賽  
蠻神

夜聞商人舡中箏

大編高舡一百尺新聲促在十三絃揚州市裏  
商人女來占西江明月天

聞道士彈思歸引

仙公一奏思歸引逐客初聞自泣然莫怪慙勤  
悲此曲越聲長苦已三年

喜康將軍見訪

謫居愁寂似幽樓百草當門茅舍低夜靜將軍  
忽相訪鷓鴣驚起遶籬啼

贈劉景擢第

湘中才子是劉郎望在長沙任桂陽昨日鴻都  
新上第五陵年少讓清光

赴連山途次德宗山陵寄張負外

常時竝冕奉天顏委佩低簪綵仗間今日獨來  
張樂地萬重雲冰望橋山

嘗茶

生採芳叢鷹背牙。老郎封寄謫仙家。今宵更有  
湘江月。照出霏霏滿盃花。

梁國祠

梁國三郎威德尊。女巫簫鼓走鄉村。萬家長見  
空山上。雨氣蒼茫生廟門。

九日登高

世路山河險。君門煙霧深。年年上高處。未省不  
傷心。

謝柳子厚寄疊石硯

常時同硯席。寄此感離羣。清越敲寒玉。參差疊

碧雲。煙嵐餘斐。壘水墨。兩氛氲。好與陶真白。松  
牕寫紫文。

元日感懷

振蟄春潛至。湘南人未歸。身加一日長。心覺去  
年非。燎火委虛爐。兒童銜絲衣。異鄉無舊識。車  
馬到門稀。

謝宣州崔相公賜馬

浮雲金絡腦。昨日別朱輪。銜草如懷戀。嘶風尚  
意頻。曾將比君子。不是換佳人。從此西歸路。應  
容躡後塵。

南中書來

君書問風俗。此地接炎洲。淫祀多青鬼。居人少  
白頭。旅情偏在夜。鄉思豈唯秋。每羨朝宗水。門  
前日夕流。

題招隱寺

隱士遺塵在。高僧精舍開。地形臨渚斷。江勢觸  
山迴。楚野花多思。南禽聲例哀。慙勤最高頂。間  
却望鄉來。

思歸寄山中友人

蕭條對秋色。相憶在雲泉。木落病身健。潮平歸

思懸。涼鍾山頂寺。暝火渡頭舡。此地非吾土。間  
留又一年。

望洞庭

湖光秋月兩相和。潭面無風鏡未磨。遙望洞庭  
山翠小。白銀盤裏一青螺。

魚復江中

扁舟盡室貧相逐。白髮藏冠鑷更加。遠水自澄  
終日綠。晴林長落過春花。客情浩蕩逢鄉語。詩  
意留連重物華。風檣好住貪程去。斜日青帘皆  
酒家。

歷陽書事七十韻并序

長慶四年八月余自夔州轉歷陽浮泯江觀洞  
庭歷夏口涉潯陽而東友人崔敦詩罷丞相鎮  
宛陵緘書來抵曰必我覲而之藩不十日飲不  
置子故余自池州道宛陵如其素歌詩出祖于  
勸亭祠下由姑孰西度江乃吾州也至則考圖  
經參見事為之詩俟采之夜諷者  
一夕為湖地千年列郡名霸王迷路處亞父所  
封城漢置東南尉梁分肘腋兵本吳風俗剽兼  
楚語音儂沸井今無湧烏江舊有名土臺遊柱

史石室隱彭鏗

老君適楚有臺存焉

曹操祠猶

在濡須塢未平海潮隨月大江水應春生一昨

深山裏終朝看火耕魚書來北關鷓首下南荆

雲雨巫山暗蕙蘭湘水清章華樹已失鄂渚草

來迎廬逸三字出淦城粉堞明鴈飛彭蠡暮鷓

噪大雷晴平野分風使恬和趁夜程貴池登陸

峻春轂渡橋鳴絡繹主人問悲歡故舊情幾年

方一面卜晝便三更助喜杯盤盛忘機笑語旬

管清疑警鶴絃巧似嬌鸞熾炭烘蹲獸華茵織

鬪鯨回裾飄霧雨急節墮瓊瑛斂黛疑愁色拾

鈿耀翠晶容華本南國妝梳學西京日落方收  
鼓天寒更炙笙促筵交履舄痛飲倒簪纓詭浪  
容優孟嬌憐許智瓊蔽明添翠奕命燭柱金莖  
坐久羅衣皺杯頻粉面驛興來從請曲意墮即  
飛觥令急重須改歡馮醉盡呈詰朝還選勝來  
日又尋盟道別慙勤惜邀筵次第爭唯聞嗟短  
景不復有餘醒衆散扃朱戶相攜話素誠晤言  
猶亶亶殘漏自丁丁出租千夫擁行廚五熟烹  
離亭臨野水別思入哀箏接境人情洽方冬饌  
具精中流為界道隔岸數飛甍沙浦王渾鎮滄

州謝傅瑩望夫人化石夢帝日環營半渡趨津  
吏緣堤羨郡旻場黃堆晚稻籬碧見冬菁里社  
爭來獻壺漿各自擎鷓夷傾底寫耜耜闢成文  
採石風傳柝新林暮擊鉦繭綸牽撥刺犀焰照  
澄泓露冕觀原野前駟抗旂旌分庭展賓主望  
闕拜恩榮比屋博婺輩連年水旱并退思常後  
已下令必先庚遠岫低屏列支流曲帶縈湖魚  
香勝肉官酒重於餽憶惜泉源變斯須地軸傾  
雞籠為石顛龜眼入泥坑事繫人風重官從物  
論輕江春俄滄蕩樓月幾虧盈柳長千絲宛田

媵一線緝遊魚將婢從野雉見媒驚波淨攢鳧  
鵠洲香發杜衡一鍾菰葑米千里水葵羹受謹  
時方久分憂政未成比瓊雖碌碌於鐵尚錚錚  
早忝游三署曾聞奏六英無能甘負弩不慎在  
騎衛口語成中講毛衣阻上征時聞關利鈍智  
亦有聾盲昔媿山東妙今慙海內兄後來登甲  
乙早已在蓬瀛心託秦明鏡才非楚白珩齒衰  
親藥物宦薄傲公卿捧日皆元老宣風盡大彭  
好令朝集使結束赴新正

劉夢得外集卷第八

劉夢得外集卷第九  
謝上連州刺史表  
彭陽唱和集引  
吳蜀集引  
劉子自傳  
王公神道碑  
淮南杜相公論西戎表  
臣某言。一辭闕庭已僅二載官當重任身受厚

劉夢得外集卷第九

謝上連州刺史表

彭陽唱和集引

吳蜀集引

劉子自傳

王公神道碑

淮南杜相公論西戎表

臣某言。一辭闕庭已僅二載官當重任身受厚

臣

臣某言。一辭闕庭已僅二載官當重任身受厚

恩既懷子年戀闕之心又負藏文竊位之責思  
所以歌頌聖德裨補箴規塵露至微不任懇迫  
臣遠祖詩顯名漢代出牧南陽謹言善策隨事  
獻納忠醇之至聞于中外遺風可襲有激愚衷  
臣是以輒竭聞見粗陳梗槩雖不盡陛下聖明  
萬分之一然臣子之心有直必獻伏惟皇帝陛  
下德合天地道躋文武弛張普博法則陰陽氣  
均生成人需亭育凡是氛沴覆以春和銷除容  
納皆如聖意寬宥肆赦實賴皇明河中誅鋤不  
勞兵革淮右底定不戮一人慶浹萬邦事出千

古近又西戎背約寇犯王師陛下弘貸豺狼矜  
其凶悍布以恩澤果此知慙功因德成不以兵  
制故詩云獫狁孔熾書稱蠻夷猾夏臣觀自古  
帝王不忍小忿貽大患故竭耗中國盡力邊陲  
至如滅昆明之城平大宛之種豈是發揮皇猷  
增榮簡冊故賢哲之論薄衛霍之功陛下鏡歷  
代無益之端修大君文德之教遂得北狄深藏  
五城晏閉百蠻嚮化四海無虞惟此小蕃尚迷  
聲教陛下示之大信弘以舊恩雖關防暫驚而  
烽燧旋罷臣負恩方鎮初懼寇戎正於憂迫之



時果聞仁聖之諭，攘却凶孽，不勞干戈。臣靜思遠圖，又計莫若存信施惠，以愧其心。歲通玉帛，待以客禮。昭宣聖德，擇奉誼之臣，恢拓皇威。選謹邊之將，積粟塞下，坐甲關中，以逸待勞。以高御下，重其金玉之贈，結以舅甥之歡。小來則慰安，大至則嚴備。明其斥候，不撓不侵。則戎狄為可封之人，沙場無戰死之骨。若天下無事，人安歲稔，然後訓兵命將，破虜摧衝，原州營田靈武盡復舊地。通使安西，國家長筭，悉在於此。計熟事定，舉必有功。苟未可圖，豈曰容易。此皆陛下

朝夕倦談之事，前後立驗之謀。臣質性頑踈，籌畫庸近，受恩非據，敢忘獻忠犬馬之心。實所罄盡。謹遣某官某奉表。

謝上連州刺史表

臣某言，伏奉去三月七日制，授臣使持節連州刺史，恭承睿旨，跪奉詔書。皇恩重於丘山，聖澤深於雨露。拚舞失次，神魂再揚。臣某中謝臣性愚拙，謬學文詞，幸遇休明，累登科第。出身入仕，竝不因入。德宗臨御之時，臣忝御史，陛下龍飛之日，臣忝郎官。恭守章程，勤脩職業。權臣奏用

蓋聞虛名實非曲求。可以覆視。跡早易枉。無路自明。亦緣臣有微才。所以嫉臣者衆。競生口語。廣肆加誣。伏賴陛下至仁。特從寬典。舉以緣坐。照佐遐藩。屢變星霜。頻經恩赦。犬馬懷戀。寢興匪寧。唯讀佛經。願延聖壽。昨蒙詔命。追赴上都。隨列授官。俾居遠郡。在臣之分。榮幸已多。伏荷陛下孝理弘深。皇明照燭。哀臣老母羸疾。憫臣一身零丁。特降洪恩。得移善部。光榮廣被。母子再生。凡在人臣。皆感聖德。凡為人子。皆荷聖慈。豈惟賤臣。獨受恩造。不覺喜極。至于涕零。音殷

王俯念於前禽。且聞解網。漢帝有哀於少女。爰命罷刑。方之聖朝。不足多尚。感召和氣。慰安羣生。非臣隕越所能上報。伏以南方厲疾。多在夏中。臣自發柳州。便染瘴癘。扶策在道。不敢停留。即以今月十一日。到州上訖。謹宣聖旨。以示遠人。恭述詔條。所期富庶。無任

### 含輝洞述

河南薛公景晦。以文無害。爲尚書刑部郎中。以訛爲道。州刺史居郡大理。至於無事。清機羨益。盡付山水。一旦以書來誇曰。吾得異境于近郊。

自城西門竝南山。俯江水。有石穹然如夏屋。其左右前後又如回廊。曲房藻繡雕彤之象。雲生日入。怪狀迭發。水石卉木香非人寰。意其嘗為食霞御氣者之所遊息。委蛻而去。不知其幾千百年。逮今得諸黃冠野夫。及詣而信。因名其地曰含輝洞。蓋詩家流所謂山水含清輝者是已。吾子常以詞業於世。盍為我誌乎。愚得書退而深惟若薛公者。少居江湖間。遊名山。東探禹穴。止四明。句曲。金華。陽羨。南過九江。薄莊廬。以涉彭蠡。天下山水之籍存乎胸中。第其高下。銖兩

不失。及是而口呿不能名。顧為竒信矣。若江華者。九疑三湘之佳麗地也。前此二千石御史中執法河南元次山諫大夫北平陽亢宗司刑大夫東平呂和叔皆碩人也。考盤招隱之致。怕汲汲然。卒使茲境貴于異日。豈地愛其實。有時而發邪。顧謂異信矣。夫物之有作。俟言而遠。故述焉。以書于洞陰。曰營陽鬱鬱山水第一。洞有含輝。遊人忘歸。忘歸孔樂。請言其明。先是斯境鬱于榛薄。天姿孤絕。凡目所忽。閱其清光。有待而發。公之來思。探異翫竒。茨野懋林。而民悅之。既

歷  
悅其至益知所嗜。捫徑峴來，適公志。偶得奇絕，  
聿來告公，駕言從之。谷岸溟濛，有石如門，又如  
垣墉。慘募交才，似綸似組，乃芟乃治，乃可布武。  
伸脰掉臂，空洞無阻。左右回環，儼若廊廡。飛泉  
出竇，練總花吐。觸石吹沙，珮搖絃撫。側逕寅緣，  
豁然見天。有石如堂，度之五筵。東西二門，與日  
明昏。奧者如室，宣者如軒。因其高下，爰構亭榭。  
匠生於心，隨指如化。開山剪木，役以私屬。結構  
暨茨，子來嬉嬉。無事而就，邦人不知。淑清之辰，  
休澣之時。雅步幅巾，琴壺以隨。前無俗人，與白

雲期。年日盡適，形神不羈。元氣顯然，觀吾朶頤。  
遵渚之鴻，有時而飛。石門之下，可以棲遲。此谷  
而盈，彼丘而夷。維公之踰跡，永在斯。

吏隱亭述

元和十五年，再牧于連州。作吏隱亭，海陽湖壩。  
入自外間，不知藏山。歷級東望，恍非人寰。前有  
四榭，隔水相鮮。凝靄蒼蒼，涼流布懸。架險通蹊，  
有梁如蜺。輕泳徐轉，有舟如翰。登霞漾月，若在  
天漢。視彼廣輪千畝之宇，翠麗于是與世殊貫。  
微明峭絕，蘿靡葱蒨。景有宜昏，且迭變疑。昔

神鼇負山而抃，摧其別島，置此高岸。海陽之名，自元先生、先生、元結，有銘其碣。元維假符，予維左遷，其間相距十五餘年，封境服人，其猶比肩。天下山水非無美好，地偏人遠，空樂魚鳥。謝公開山涉月，忘還豈曰無娛？俾險且艱，溪山尤物。城池為伍，却倚佛寺。左聯仙府，勢拱臺殿。光含霜廡，窈如壺中。別見天宇，石堅不老，水流不腐。不知何人為今為古，石豎終堅，水豎終竭。不知何時再融再結。德興傳信方述

余為連州四年，江華守河東薛景晦以所著古今集驗方十通為贈，其志在於拯物，予故申之以書。異日景晦復寄聲相謝，且咨所以補前方之闕。醫拯道貴，廣庸可以學淺為辭，遂於篋中得已試者五十餘方，用塞長者之問，皆有所自。故以傳信為目。云元和十三年六月八日，中山劉禹錫述。

彭陽唱和集引

丞相彭陽公始由貢士，以文章為羽翼，怒飛于冥冥，及貴為元老，以篇詠佐琴壺，取適年間。燕

鏘然如朱絃玉磬故名聞于世間鄙人少時亦  
嘗以詞藝梯而航之中途見險流落不試而曾  
中之氣伊鬱蜿蜒泄為章句以遣愁沮博然如  
焦桐孤竹亦名聞于世間雖窮達異趣而音英  
同或故相遇甚歡其合面必杼懷其離居必寄  
興重訓累贈體備今古好事者多傳布之今年  
公在并州余守吳門相去迴遠而音微如近且  
有書來抵曰三川守白君編錄與吾子贈答緘  
縹囊以遺余白君為詞以冠其前号曰劉白集  
悠悠思與所賦亦盈于巾箱蓋次第之以塞三

川之誦於是緝綴凡百有餘篇以彭陽唱和集  
為目勒成兩軸爾後繼賦附于左云大和七年  
二月五日中山劉禹錫述

唱和集後引

貞元中予為御史彭陽公從事于太原以文章  
相往來有日矣無何予受譴南遷十餘年間公  
登用至宰相出為衡州方獲會面翰寫蘊積相  
視泣然爾後或雜賦詩贈答編成兩軸大和五  
年余領吳郡公鎮太原常發函寓書必有章句  
絡繹於數千里內無曠旬時八年公為吏部尚

書予牧臨汝有詩歎七年之別署其後云集卷自此為第三未幾予轉左馮公登左揆每恨近而不見形於詠言開成元年公鎮南梁予以太子賓客分司東都新韻繼至率云三軸成矣二年冬忽寄一章詞調悽切似有永訣之旨伸紙慨歎居數日果承訃書嗚呼聆風相悅者四十年會面交歡者十九年以詩見投凡七十九首勒成三卷以副平生之言

吳蜀集引

長慶四年余為歷陽守今丞相趙郡李公特鎮

南徐州每賦詩飛函相示且命同作爾後出處乖遠示如鄰封凡誦唱始於江南而終於劍外故以吳蜀為目云

汝洛集引

大和八年予自姑蘇轉臨汝樂天罷三川守復以賓客分司東都未幾有詔領馮翊辭不拜職換太子少傅分務以遂其高時予代居左馮明年予罷郡以賓客入洛日以章句交歡因而編之命為汝洛集

子劉子自傳

子劉子名禹錫字夢得其先漢景帝賈夫人子  
勝封中山王謚曰靖子孫因為中山人也七代  
祖亮事北朝為冀州刺史散騎常侍遇遷都洛  
陽為北部都昌里人世為儒而仕墳墓在洛陽  
北山其後地狹不可依乃葬滎陽之檀山原由  
大王父已還一昭一穆如平生曾祖凱官至博  
州刺史祖鐸由洛陽主簿察視行馬外事歲滿  
轉殿中丞侍御史贈尚書祠部郎中父諱緒亦  
以儒學天寶末應進士遂及大亂舉族東遷以  
違患難因為東諸侯所用後為淮西從事本府

就加鹽鐵副使遂轉殿中主務于埇橋其後罷  
歸浙右至揚州遇疾不諱小子承風訓稟遺教  
眇然一身奉尊夫人不敢殞滅後忝登朝或領  
郡蒙恩澤先府君累贈至吏部尚書先太君盧  
氏由彭城縣太君贈至范陽郡太夫人初禹錫  
既冠舉進士一幸而中試間歲又以文登吏部  
取士科授太子校書官司問廣得以請告奉溫  
清是時年少名浮於實士林榮之及丁先尚書  
憂迫禮不死因成痼疾既免喪相國揚州節度  
使杜公領徐泗素相知遂請為掌書記捧檄入



告太夫人曰吾不樂江淮間汝宜謀之於始因  
白丞相以請曰諾居數月而罷徐泗而河洛猶  
艱難遂改為楊掌書記涉二年而道無虞前約  
乃行調補京兆渭南主簿明年冬擢為監察御  
史貞元二十一年春德宗新棄天下東宮即位  
時有寒俊王叔文以善弈某得通籍待詔因間  
隙得言及時事上大奇之如是者積久衆未之  
知至是起蘇州掾超拜起居舍人充翰林學士  
遂陰薦丞相杜公為度支鹽鐵等使朔日叔文  
以本官及內職兼充副使未幾特遷戶部侍郎

賜紫貴振一時愚前已為杜丞相奏署崇陵使  
判官居月餘日至是改屯田員外郎判度支鹽  
鐵等案初叔文北海人自言猛之後有遠祖風  
惟東平呂溫隴西李景儉河東柳宗元以為信  
然三子者皆與余厚善日夕過言其能叔文實  
工言治道能以口辨移人既得用自春至秋其  
所施為人不一以為當非時上素被疾至是尤劇  
詔下內禪自為太上皇後謚曰順宗東宮即皇  
帝位是時太上久寢疾宰臣及用事者都不得  
召對宮掖事秘而建桓立順功歸貴臣於是叔

文首貶渝州。後命終死。宰相貶崖州。余出為連州。途至荆南。又貶朗州司馬。居九年。詔徵。復授連州。自連歷夔和二郡。又除主客郎中分司。東都。明年。追入充集賢殿學士。轉蘇州刺史。賜金紫。移汝州。兼御史中丞。又遷同州。充本州防禦。長春宮使。後被足疾。改太子賓客分司。東都。又改祕書監分司。一年。加檢校禮部尚書。兼太子賓客。行年七十有一。身病之日。自為銘曰。不矢不賤。矢之祺兮。重屯累厄。數之奇兮。天與所長。不使施兮。人或加詘。心無疵兮。寢於此牖。

盡所期兮。葬近大墓。如生特兮。魂無不之。庸詎知兮。

唐故監察御史贈尚書右僕射王公碑

公諱俊。字真長。其先乘黃帝。夫大聖之後。與庶姓不同。如河出崑崙。潛於厚地。欵焉振起。奮為洪瀾。環自天。非衆川也。故自黃帝八代而生舜。武王克殷。求有鳩之胤。滿封於陳。是為胡公。十三葉生。完自以公子。國難不得立。乃抱樂器。奔齊桓公。以鄉禮接之。下又十一葉。和以父為政。陰浹于人。遂有齊國。三代稱王。至建為秦所滅。

項羽入秦，封建孫安為濟北王。漢興失國，齊人謂之王家，因以為氏。安子消仕漢為鎮東將軍，青州牧，封劇縣伯。自消至彤，凡一十九代。兩漢公卿牧守如家，謀然。十代祖猛，字景略，符秦尚書令，佐秦成霸業。與孔明佐蜀同功，故時人為之王葛。史云：北海劇人，遂著為族望。九代祖休儀，曹尚書。八代祖鎮，惡佐命。宋武長安擒姚泓，至北齊。五代祖昕，七兵尚書。兄弟九人，時号王氏。九龍於齊。史有傳。高祖顓，字君粹，北齊著作郎，燕郡太守。曾祖敬忠，成州刺史。大父上客高

宋封嶽進士及第，歷侍御史、主客、兵部員外郎。累遷兵右金吾衛將軍、冀州刺史、靈州都督、朔方道總管。見職官儀及衣冠。逸二烈孝。曠，宣州宣城縣令，贈工部郎中。娶河東裴氏，乃生僕射。孝睦餘力，工為文。始以崇文生應深謀，秘策考入上第，拜監察御史。天之賦予，莫能兩大。既敷令名，而不以景福。享齡五十五，葬于河南府偃師縣毫邑鄉。後以子貴，累贈禮部尚書。至右僕射夫人江夏李氏，祔李門。多奇才。父暄起居舍人，暄子鄺，門下侍郎、平章事。高叔祖善，蘭臺郎。

崇文館學士。注文選行於時。善子邕。北海郡太守。有重名。四方之士求為碑誌者。傾天下。故夫人於盛宗禮範可法。累贈至江夏郡夫人。僕射有三子。長子早終。次子處立。少嬰沈恙。慕道士養生之術。高尚其趣。強仕而沒。積善不試。後來果大焉。季子彥威。字子羨。始以五經登甲科。歷太常博士。祠部員外郎。遷屯田郎中。轉戶部司封。立充禮儀使判官。弘文館學士。京兆少尹。諫議大夫。史館脩撰。以直諫出為河南少尹。入為少府監。司農卿。改淄青節度使。徵拜戶部侍郎。

判度支。勢逼生患。出為衛尉卿。分司東都。尋起為陳許節度使。檢校禮部尚書。充汴宋亳等州節度觀察處置等使。北海縣開國子。食邑五百戶。娶穎川韓氏。主客員外郎衢之女。國子祭酒楊瑱。珣之外孫。夫人有三弟。皆材。無子。早謝。已如禮祔葬于亳。邑原僕射厚德。覆露之。尚書丕承之。以蚤孤。銳意嚮學。嘗閱詩至蓼莪篇。感激流涕。故其志如刃。始淬及學成。立朝為鴻儒。入用為能臣。參定儀制。財成經費。起書生擁旌節。今又領全師。鎮上游。握神符。垂三組。皆嚮時感。

發之所激也。志就而學成名聞而身達。欲報無  
所。外祭中悲。人子之孝在乎揚其先德。以耀于  
遠。乃俾學古者書本系。所自且銘于龜。踴首  
云。銘曰。  
山積而高。澤積而長。聖人之後必大而昌。由聖  
與賢。或為霸強。建不克嗣。濟北疏疆。齊人德之  
其族稱王。佐于符秦。北海重光。僕射之生。負材  
而起。策千萬衆。擢為御史。同時條對。千目仰視。  
桂林一枝。拾芥相似。名動海內。夫豈不偉。種德  
而牙。適生令子。出入鼎貴。理財統師。流根之澤。

密印纍纍。峻其追崇。幽顯有輝。孝嗣之志。歎然  
弗怡。春露秋霜。感傷履之。時久能慕。祿豐益悲。  
明發不寐。永懷孝思。攄之無窮。曷若豐碑。景毫  
之原。佳城在斯。乃金石刻。揭于道陞。松邪柏邪  
有浴之酒。過者必下來觀。信詞。

劉夢得外集卷第九



以疾終于故府私第年若干其孤泣書前人之  
爵里耿光求我以銘于幽且先志也故重為之  
董姓出於秦龍氏至辛有而分在晉為良史在  
趙佐簡子為能臣項羽主盟為翟王高皇帝舉  
兵漢中劫其兵衆不克其土後裔遂為隴西人  
凡稱事不稱名不待事而彰也始予謫于武陵  
人多言之賢有董生為守令客既而以士相見  
之禮成與之言能言墳典數旁摺百氏之學弱  
年嗜屬詩工弈棊用是索合于貴游多所慰薦  
中年奉浮圖說三乘用是貢誠于清賢乃被辟

書脫巾為弘文館校書郎再選至大理評事咸  
視真秩而不累其章職繫于外故也晚節尚道  
故投劾於幕府治扁舟浮江淹沅洞庭登熊耳  
訪浮丘以探異賦枉渚以竒傲居數歲投老于  
南荆迷邦縱性委和從化逮夫寢巨室也自含  
襚至于卜窆皆仁人之賻享是歲五月十二日  
卜葬于龍山之某岡外姻至矣君名倓字庶中  
大父曰思簡位至汝南太守父承祖歿于試守  
太子舍人始為君求婦于鄭之族生嗣子夏卿  
既立而夭今未之從其後又娶于閻氏生二子

曰周卿雲卿。整也。纒裳。騷首。有正家之道。嗚呼。道愈富而室愈貧。志甚脩而知甚寡。士以隴西為貴。將在令名歟。銘曰。學待問而文藻身。藝不試兮名孰聞。大道甚夷兮非我辰。何生不茂兮非我春。脩門之達兮連岡。膺膺。蔓草如徒兮新墳。若芥于嗟。董生兮於焉終古。

絕編生墓表

顧象吳郡人。食力於武陵沅水上。以讀易聞。病且死。飭其子曰。吾年十有五。而授易于師。積六

十三年于茲。未嘗一日不吟乎繫象里中兒。從吾讀其文多矣。死則必葬我于黨庠之側。尚其有知。且聞吾書。君子曰。若象者可謂志篤于學矣。因以絕編生謚之。且表其墓。後之讀功令者。或采焉。予既謫居是邦。始至之日。問能道古語可與言者。邑子以生為對。既而執贄請見之。生危冠大袂。闊視雅拜。及門。知讓侯肅而後入。又肅而躋階。心存聖言。潤徹眉睫。有野態而無苟容。問其所執。曰。幼學易。老而尤嗜。問安學。曰。始聞於師。晚熟于心。自尼父兼三才。絀八索。繫詞



焉以通微言與伏羲文王並行猶夫三辰同麗  
太極秦脫火患完文顯行漢之田丁京劉而東  
京有馬鄭魏之何荀兩王而吳有專陸前者導  
源後者濟之淵韜混合百派犇奏唐興沙門十  
衍方淺天幾以探古人神友造物智對人事制  
動也有柅變道也無方鼻之支流委輸于我其  
他紬繹祖述三十有餘家朱藍之樸斲之爲羽  
翼爲鼓吹疇咨天人之際磅礴上下驚精於轡  
撫匱巧於穿鑿猶制伐之於樂鏗鏗而已徐氏  
之於禮善容而已然而前脩之盡心也得以采

腴奪芳季手眩於運管目曠於臨燭而氣耗於  
咏呻家居無訾不能與計偕地偏且遠無有能  
晤語者心愈苦而跡愈卑寒膚嘆腹以至於羸  
老微夫子之問持是安施乎他日予造其室廬  
瓢簞在左汗簡在右有龜愕然有筴甚澤余猷  
著指骨而評之曰是疊疊者曾不予欺乎生攸  
爾而對云占先聖人知道之妙不可徒而得也  
故設象以致意掇有以取無取當其粗用當其  
精夫權衡所以揣輕重不爲捶鈎者設也尋尺  
所以商遠邇不爲運斤者設也龜筴所以決羣

疑不為知幾者設也。幾存乎人，是則以天時為卦體，以理為爻位，外附人事，以象焉。內取諸身，以象焉。一本云：內取諸身，以象焉。得樞於囊中，迎數於象外，自然之理，不知其然。雖欲強名措說，無地。彼枯莖朽殼，安能與於此乎？今夫揲之以至剋，灼之以殆盡，徒與夫蚩蚩者，問歉穰占能，虺起訟需食，亡羊喪牛之間耳。資其握粟以餽予口，烏足為夫子道哉？余以斯言遠於易，故書之。噫！國有太學，學有館，以延頡門。若生者苦形役志，如是其顛也。茹經于腹，湮滅糞壤，辟水湯

湯不聞其聲，摧藏僕遯，與山水同朽。豈地遠然邪？彼文甲絳毛，剝筋壽華，嶺嶠之華實，炎溟之蜃蝦，飛苞驛籬，所至而貴。夫豈邇也哉？悅者衆，故也。生之死，在元和七年秋七月。由死之日，推而上，求直始生之辰，得四百有七十甲子。葬在枉渚西石磯上，其墳可隱，東望里塾，尚行其志云。

祭柳負外文

維元和十五年歲次庚子正月戊戌朔日，孤子劉禹錫銜哀扶力，謹遣所使黃益萇，具清酌庶

羞之奠敬祭于亡友柳君之靈嗚呼子厚我有  
一言君其聞否惟君平昔聰明絕人今雖化去  
夫豈無物意君所死乃形質爾魂氣何託聽余  
哀詞嗚呼痛哉嗟余不天甫遭閔凶未離所部  
三使來弔憂我衰病諭以苦言情深禮至款密  
重複期以中路更申願言途次衡陽云有柳使  
謂復前約忽承訃書驚號大叫如得狂病良久  
問故百哀攻中涕洟迸落魂魄震越伸紙窮竟  
得君遺書絕絃之音悽愴徹骨初託遺嗣知其  
不孤末言歸轡從祔先域凡此數事職在吾徒

永言素文索居多遠鄂渚差近表臣分深想其  
聞訃必勇於義已命所使持書徑行友道尚終  
當必加厚選之承命改牧宜陽亦馳一函俟於  
便道勒石垂後屬于伊人安平宣英會有還使  
悉已如禮形於具書嗚呼子厚此是何事朋友  
彫落從古所悲不圖此言乃為君發自君失意  
沈伏遠郡近遇國士方伸眉頭亦見道草恭辭  
舊府志氣相感必踰常倫顧余負豐營奉方重  
猶冀前路望君銘旌古之達人朋友則服今有  
所厭其禮莫申朝補臨後出就別次南望桂水

哭我故人孰云宿草此慟何極嗚呼子厚卿真  
死矣終我此生無相見矣何人不違使君終否  
何人不老使君天死皇天后土胡寧忍此知悲  
無益奈恨無已余之不聞余心不理含酸執筆  
輒復中止誓使周六同於己子魂兮來思知我  
深旨嗚呼哀哉尚饗

重祭柳負外文

嗚呼自君之沒行已八月每一念至忽忽猶疑  
今以喪來使我臨哭安知世上真有此事既不  
可贖翻哀獨生嗚呼出人之才竟無施為炯炯

之氣戢于一木形與人等今既如斯識與人殊  
今復何託生有高名沒為衆悲異服同志異音  
同歎唯我之哭非弔非傷來與君言不成言哭  
千哀萬恨寄以一聲唯識真者乃相知爾庶幾  
儻聞君儻聞乎嗚呼痛哉君有遺美其事多梗  
桂林舊府感激主持俾君內弟得以義勝平昔  
所念今則無違旅魂克歸崔生實主幼穉在側  
故人撫之敷詩還之各展其分安平來贈禮成  
而歸其他赴告咸復于素一以誠告君謹聞乎  
嗚呼痛哉君為已矣余為苟生何以言別長號

數聲冀乎異日展我哀誠嗚呼痛哉尚饗

為鄂州李大夫祭柳負外文

嗚呼至人以在生為傳舍以軒冕為儻來達於  
理者未嘗惑此昔余與君諭之詳熟孔氏四科  
罕能相備惟公特立秀出幾於全器才之何豐  
運之何否大川未濟乃失巨艦長途始半而喪  
良驥搢紳之倫孰不墮淚昔者與君交臂相得  
一言一笑未始有極馳聲日下驚名天衢射策  
差池高科齊驅攜手書殿分曹藍曲心志諧同  
追歡相續或秋月銜觴或春日馳轂旬服載暮

同升憲府察視之列斯季接武君遷外郎予侍  
內闈出處雖間音塵不虧勢變時移遭罹多故  
中復賜環上京良遇曾不踰月君又即路遠持  
郡符柳江之壖居陋行道疲人歌焉予來夏口  
忽復三年離索則久音貺屢傳篋盈草隸架滿  
文篇鍾索繼美班揚差肩賈誼賦鵬屈原問天  
自古有死奚論後先痛君未老美志莫宣邇回  
世路奄忽下泉嗚呼哀哉令妻早謝穉子四歲  
天喪斯文而君永逝翩翩丹旌來自遐裔聞君  
旅櫬既及岳陽寢門一慟貫裂衷腸執紼禮乖

出疆路阻故人真觴莫克親舉馳神假夢冀獲  
晤語平生密懷願君遺吐遺孤之才與不才敢  
同己子之相許嗚呼哀哉尚饗

祭韓吏部文

高山無窮太華削成人文無窮夫子挺生典訓  
為徒百家抗行當時勅者皆出其下古人中求  
為敵蓋寡在貞元中帝鼓薰琴弈弈金馬文章  
如林君自幽谷升于高岑鸞鳳一鳴蜩蟬草音  
予持文柄高視寰海權衡低昂瞻我所在三十  
餘年聲名塞天公鼎侯碑志遂表阡一字之價

輦金如山權豪來侮人虎我鼠然諾洞開人金  
我灰親親尚舊宜其壽考天人之學可與論道  
二者不至至者其誰豈天與人好惡背馳昔遇  
夫子聰明勇奮常操利刃開我混沌子長在筆  
予長在論持矛舉楮卒不能困時惟子厚竄言  
其間贊詞愉愉固非顏顏磅礴上下義農以還  
會於有極服之言逸數岐山威鳳不復鳴華亭  
別鶴中夜驚畏簡書兮拘印綬思臨勸兮志莫  
就生芻一束酒一杯故人故人歌此來

祭興元李司空文

維大和四年月日禮部郎中集賢殿直學士劉  
禹錫謹以清酌之奠敬祭于故相國山南西道  
節度使贈司空李公之靈嗚呼龜靈而刳龍知  
而屠古今同之天不可問公之挺生德與位并  
如瞻日月豈贊其明何以致之姑話平生追懷  
周旋彌四十年射策校文接武聯翩旬服同邑  
明庭比肩公乘迅颯凌厲非煙愚觸駭機迸落  
深泉一持化權一謫海壖本同末異如矢別弦  
雲龍井蛙勢不相見二紀迴泊一朝會面公爲  
故相愚似悲翁契闊相遇淒涼萬重復以郎吏

交歡上公披襟道舊劇談命酒清浴泛舟鑿龍  
攜手公入西關愚亦徵還削去苛禮招邀清閑  
廣陌聯鑣高臺看山尋春適野醉舞花間忽復  
登壇總戎于外子午危棧巴梁古岸夷風僞傳  
獷俗悍害陰謀密構凶黨千輩如喉羣犬以逼  
騶虞如縱炎火以焚瑾瑜時邪命邪不慮不圖  
物理神道安知有無嗚呼痛哉玄天甚高上訴  
何時長夜無曉斯辱永歸風濤日昏鼓咽簫悲  
沈埋玉樹誰不霑衣平生故人零落已稀委化  
而盡然猶怨咨如何國禎有此遭罹挺災賦命

孰主張之有肴在筵有酒盈卮神其來歆已矣  
長辭尚饗

代裴相祭李司空文

四年月日特進守司空兼門下侍郎平章事裴  
度謹以清酌少牢之奠敬祭于故相國魏郡公  
之靈嗚呼玉貞而折不能瓦合鸞鍛而萃不同  
雞羣生兮若浮守道不屈惟公之生福自維嵩  
金石高韻珪璋德容元和之初左右憲宗以才  
視草以望登庸振起直聲激揚清風實有正氣  
號為名公名成身退猶係人望入為羽儀出領

藩方既師百辟又副丞相道冠搢紳事參翼亮  
度與公遊四十餘年風期合契祿位相先度忝  
司言公持化權應同宮徵馥若蘭筌猥以姓名  
稱于上前發迹從微芬芳獲宣度為免相待罪  
梁山公拜右揆來從東川極其歡娛著在詩篇  
度忝三入公亦東還里門相邇賓閣常間退朝  
休澣道舊開顏嗟乎山川間之忽在旦夕豈意  
倉卒遂成今昔衣冠喪氣風物含戚強魂訴天  
冤血成碧嗚呼哀哉度在病中訃書始至無力  
以哭不言垂淚今聞襚輅首路而歸隱几臨風



其心孔悲嘉者百邊旨酒一卮寄此神素神其  
來思嗚呼哀哉

代諸郎中祭王相國文

維大和四年月日某官等敬祭于故相國贈太  
尉太原王公之靈嗚呼天以和氣鍾於貴人含  
光不耀煦物如春發自貢士驟為庭臣鴻鴈聯  
行共凌青雲既操利權兼秉國鈞食祿甚厚奉  
身如貧井絡之隅益部為大斗牛之下揚州繁  
會受社臨戎油幢曲蓋印綬重疊恩華霽霽簿  
領如山處之若間權筦之權姪而復還炎炎曠

曠出入二紀未曾傷物屢有薄士急難友弟謹  
厚訓子顏間熙熙不形溫喜處已無咎得君如  
此若木方高盲颯歛起三台之氣變見在時五  
福之來盛衰有期晚下黃閣車騎咸遲夕歸華  
堂言笑嘻怡詰朝愀然有恙求醫未撤琴瑟俄  
懸素旂宸衷震悼朝右悽悲詔下褒崇恩殊等  
夷靈輜既駕真宅將歸笳簫咽而復揚風日慘  
而無輝玄亮等或早挹清塵或晚承泛愛音脩  
禮于門闈今纏悲于祖載幽顯雖異音微未昧  
神之格思歆此誠酌尚饗

祭福建桂尚書文

維大和六年月日蘇州刺史劉禹錫謹以清酌  
之奠敬祭于故福建團練使桂公之靈鷗化鵬  
征擘波冲天士逢其時捨笈乘軒始識尚書貞  
元季年詣我南省袖文一編便坐接語其容溫  
然星歲未幾鄙夫南遷滯留江湘魚鳥周旋尚  
書遇知變化如蟬秉憲朝右剖符江壩交趾化  
行容州續宣凡曰循吏莫居我先大和之初再  
遂良覲分務東洛門里同陌余復郎位公為賓  
客蔚然貴臣綬紫鬚白俄俱西還列于清班來

訪書殿登樓看山見領八屯循街九關賀遷闔  
越紅旆雙毅克有淑聲摺紳之間惇琴鼓舞強  
捍低跽延平古津峭壁孱顏豈意龍劍沉晶不  
還復魄侯堂歸舟建浦雙表何在虎丘之下恭  
承嘉命來牧吾土言念昔遊忽成千古哀哀孝  
嗣率禮無違言奉几席歸乎洛師敬陳奠筵泣  
對靈帷平生不志歆此一卮嗚呼哀哉

祭號州楊庶子文

維大和六年月日蘇州刺史劉禹錫謹遣軍吏  
某乙具少牢清酌之奠敬祭于故號州楊公之

靈嗚呼利劍多缺真玉喜折俊人不壽為氣所  
翳子之少孤率性自然早有名字結交世賢席  
勢馳聲龍秋鳥公試文再售毛翮愈鮮歷佐侯  
藩拾遺君前伏閣論事侵削內權克揚直聲不  
愠左遷一乍干外君門邈季五剖竹符皆有聲  
績南浦潛化巴人啞啞比陽布和戰地盡闢壽  
春武斷蒞吏奪魄榮波砥平士庶同適朝典陟  
明俾臨本州錫以貴綬腰金晝遊輿疾而來風  
煙為愁靜治三載卧分主憂直氣潛銷頽景不  
留九天難問萬化同休嗚呼惜哉與君交歡已

過三紀維私之愛與衆無比乃命長嗣為君半  
子誰無外姻君實知己昔與君遊俱為壯年怒  
人言命笑人言天閱事未多信書太堅方階尺  
木已墜九泉誦年易深潛病難痊不見南楚方  
知北軒嗚呼嗟哉見機不早追悔已晚猶希耆  
老容或宣展以間相期以物相勉一丘可樂萬  
累皆遺圖就散秩婆娑京輦天命不長願言莫  
展嗚呼痛哉君卧弘農余來姑蘇飛書要約言  
念鼎湖我車載脂為子疾驅入境聞寂唯逢素  
書發函驚視翰不自濡相去一舍豈無肩輿君

為病嬰我為吏拘兩不如意嗟哉命夫君今往  
矣無復可道我今泛然一委玄造平生親友零  
落太早無望拔茅盡悲宿草到郡浹辰君不起  
聞寢門一慟其哀如焚彭彭輶車來葬洛濱敬  
脩賻禮泣送行人方丈之羞薦君明魂三赤之  
板寫子哀文淒涼山河慘淡風雲已矣長別嗟  
哉楊君

劉夢得外集卷第十

自七至十道善堂朱一校



